

-UGOVOR O POSLOVNOJ SARADNJI

Dana 14.06. 2025. godine zaključen je Ugovor o poslovnoj saradnji, između:
PDV

1. **EA doo**, ID broj 4203176040001, PDV broj 203176040001, sa sjedištem na adresi Čumurija 4, Sarajevo, kojeg zastupa direktor Adem Hajrović (u daljem tekstu: Prodavac) i
2. **Samostalni sindikat državnih službenika i namještenika u organima državne službe, sudskoj vlasti i javnim ustanovama u Federaciji Bosne i Hercegovine** (u daljem tekstu: Sindikat), sa sjedištem na adresi Obala Kulina bana 1, u Sarajevu, kojeg zastupa Samir Kurtović, Predsjednik Sindikata, za članove Sindikata (u daljem tekstu: Kupac)

Član 1.

Ovim Ugovorom Prodavac i Kupac utvrđuju okvirne uslove za kupovinu robe iz asortimana koji nudi Prodavac u svom sjedištu i prodajnim objektima.

Član 2.

Prodavac se obavezuje da će članovima Sindikata omogućiti **fiksni popust u iznosu od 10 % (osim na one artikle koji su već na popustu)** u našoj radnji u Općini Stari Grad Sarajevo na adresi Čumurija 4, na **gotovinsko plaćanje** ili prilikom kupovine putem webshopa www.lale.ba uz korištenje kupon koda **SINDIKAT10**.

Članovi Sindikata su dužni prilikom kupovine u maloprodajnim objektima Prodavca odmah (prije realizacije kupovine/prije izdavanja računa) pokazati **člansku karticu uz ličnu kartu**, te na taj način dokazati članstvo u Sindikatu i ostvariti rabat iz stava 1. ovog člana.

Član Sindikata po osnovu svoje članske kartice može ostvariti popust iz stava 1. ovog člana za još jednu osobu (supružnik, brat, sestra, roditelj, prijatelj/ica od korisnika), uz svoje prisustvo.

Član 3.

Prodavac se obavezuje da će članovima Sindikata prodavati robu iz svog prodajnog asortimana na **beskamatni kredit do 6 mjesečnih rata**, a obračun rata će se vršiti na sljedeći način:

150,00KM – 300,00KM na 3 rate
300,00KM – 600,00KM na 4 rate
600,00KM – i više KM na 6 rata

Prodavac će nakon odabira robe izdati dva primjerka administrativne zabrane.

Administrativna zabrana glasi na Poslodavca kod kojeg je uposlen član Sindikata.

Ovjeru administrativne zabrane vrši Poslodavac kod kojeg je uposlen član Sindikata, u skladu sa zakonskim i podzakonskim aktima koji regulišu tu oblast.

Prodavac može ugovoriti poseban ugovor o kupovini robe, kojim se definiše način plaćanja s kupcem/članom Sindikata.

Prodavac po osnovu dostavljenog primjerka ovjerene administrativne zabrane ili potpisanog posebnog ugovora o kupovini robe između Prodavca i člana Sindikata, vrši prodaju robe.

Član 4.

Poslodavac kod kojeg je uposlen član Sindikata dužan je postupati u skladu s ovjerenom administrativnom zabranom, te uplatu dospjelih rata obračunavati prilikom isplate plaće radnika za tekući mjesec na žiro račun Prodavca br. **1610000308940064** otvoren kod Raiffeisen bank dd Sarajevo.

Jedan primjerak administrativne zabrane zadržava Prodavac, a drugi primjerak Poslodavac kod kojeg je uposlen član Sindikata.

U slučaju prekida radnog odnosa člana Sindikata kod Poslodavca kod kojeg je zaposlen kupac, član Sindikata, prije isplate cjelokupnog iznosa kupovine robe, Poslodavac je obavezan izdati nalog da se kroz posljednju plaću izvrši obustava cjelokupnog duga po osnovu kupljene robe.

Ukoliko radnik, član Sindikata nema raspoloživa sredstva za obustavljanje dužnog dijela, radnik je obavezan da dug uplati u direktno Prodavcu, prije prestanka radnog odnosa.

Član 5.


Ovaj Ugovor se zaključuje na neodređeno vrijeme, a svaka ugovorna strana ima pravo otkaza Ugovora uz obavezu da pismenu obavijest dostavi drugoj strani 30 dana prije najavljenog datuma otkaza. Svaka strana ima pravo raskida ovog Ugovora ukoliko druga strana ne izvršava neku od obaveza iz Ugovora i bez davanja roka uz obavezu dostavljanja pismene obavijesti sa obrazloženjem o razlozima prekida ugovornog odnosa.

Član 6.

Ovaj Ugovor stupa na snagu danom potpisivanja, a traje do dana otkaza ili raskida jedne od ugovornih strana.

Član 7.

Ovaj Ugovor je sastavljen u četiri (4) istovjetna primjerka, po dva (2) za svaku ugovornu stranu.



Prodavac

Br.
Datum:

EA doo
(LALE Multibrand Store)
Ćumurija 4, Stari Grad Sarajevo
Kontakt: +38761094371
WEB: www.lale.ba
INSTAGRAM: lale_bih
FACEBOOK: Lale.ba



Kupac (za članove Sindikata)

Br. 01-563/25
Datum: 17.6.2025.